

الحب

الحب عمره ما كان كلمه
 واللسان ببوح بيها
 ولا كان في يوم غنوه
 نضحك علي قلوبنا ونغنيها
 بعناه رخيص في سوق الكلام
 والقلوب راحت تتاجر وتبيع فيها
 وخلقنا منها كتب وأشعار
 ورقصنا قلوبنا علي أغانيها
 مابلأش نضحك علي بعض
 دي حكاية وهم وكلنا بنرويها
 وعشقنا الألم والعذاب

وخلقنا منه سجون نعشق أراضيهـا

ودايما بنتألم

ولسه بنتكلم

وياريت بنتعلم

من جروح ما بنعرف نداويهـا

الـحب ما كان سيف

ولا حيكون علي الكيف

ولا نقدر نخلق قلوب نزرعه فيها

وما فيش قلب ملك لبشر

واللي خلقها هو اللي بيتحكم فيها

ليه الصراع

ليه الضياع

ليه الوداع

دي ساقيه وكلنا بندور عمي فيها